

總目

圖繪

新序 二

舊序 三

卷一 輿地志

卷二 建置志 田賦志

職官志

卷三 人物志

卷四 藝文志

後序

重刊泰安州志

泰山叢書之一

重刊泰安州志全

泰山王氏僅好書齋刊

泰安州志

中華民國二十五年

丙子六月上旬重刊

定價國幣壹圓

重刊泰安州志序

人生事事未有不久於其業而能有成效者然久之一字本無界限人生於大自然中不過數十寒暑倘非有祖孫父子相爲繼述卽百年且不可期而況其久遠者乎王君建屏是予所師而友者也平生以地方文獻自任搜羅探討意象遠大奈年僅七十而費志以歿自以爲未卒業其哲嗣次通克承家學思繼長增高之除教授奉母外則耽心書史期完父志每得一古書獲一新解則踴躍三百不啻如膺九錫爲此所以慰親心報命九泉下也竊嘗讀史而慨然深思以爲古今世業其偉大成就未有不自承先錫類之一念所發揚而光大者也禹平水土洗父恨也武伐商紂揚祖光也齊襄公報九世之仇而春秋義之令尹子文懼若敖氏之餒而子孫賴之是皆由民族斷續之觀念所激發而生出之力蔚爲文化著之典型詎不偉哉言至此觀國內乃有一問題焉卽吾子孫也而勢將夷於奴隸吾祖先也而將被認爲蠻鬼吾方寸而尙有良知也能聽之乎吾血脉而尙未冷靜也能任之乎吾中華民族而不人人以此爲志事則數千年文明之歷史將從此截然而斷祖宗基業

泰安州志

范序

子孫不能承受矣無論英法德美不能相與抗衡卽三等小協約國亦皆能獨立而非我愚昧孱弱之國民所能望其項背也是可忍孰不可忍吾願吾中華凡有血氣之民族讀此州志感念吾先民締造此河山筆路藍縷不知費若何辛苦其父析薪而其子竟不克負荷至喪失其主權下墜於萬劫不復之深淵使子孫而有知也雖數百年後此恥亦不能洗濯也其有不悠然而興奮然而起者乎頑夫廉懦夫立彼丈夫也我丈夫也吾何畏彼哉男兒死耳誓不苟生以偷活人間死生事小失節事大是則此州志之重刊慨然想見古之豪傑而繼志述事力量爲大豈僅曰徵文考獻而已哉是爲序


民國二十五年歲丙子六月范明樞序


又序

歲甲戌余失怙家居欲紹先人遺志搜訪泰山文獻以抒其風木之悲顧所得無幾惟州志爲意外所獲焉志凡四卷爲明刊清補本頁九行行十七字計四百餘頁分裝四冊蓋求之者凡七年昨歲始由李洗陳前輩輾轉得之亟爲校錄顧多殘缺漫漶不可卒讀嗣從少時學友楊君丹忱家攜來一本雖仍有舛訛較前則倍加完好因互校錄副存於篋中者又兩歷星霜矣今春余執教鄉師課餘無所事念此書之艱於搜討廼擬刊印以廣流傳刊資則前輩范明樞先生力也其餘助成其事者茲不備書夫吾邑自明末以來迭經喪亂世家右族所藏文物大抵蕩然無存偶得一二麟角鳳毛彌足珍貴則此志逾三百年而僅存更足寶矣惟詳覽其書瑕瑜互見舛譌不免以校藏家視之或亦醬瓿上物耳然所以刊布者意別有在蓋處今世不能比附青雲致身通顯以爲世用固不足悲而欲蟄伏草莽山林自放且卒卒不可得豈不大可哀乎不得已於風塵瀕洞之際聊以鉛槧爲武陵源藉以相忘於世尙友古人則於古人妍媸何忍妄爲更張不一存廬山眞面目耶校讐云乎哉文獻云乎哉蓋區區之私別有一州志在耳於是乎書

民國二十五年丙子四月下旬邑人王亨豫次通書於泰山古含芳園

秦安州境圖





新修泰安州志序

昔周官大司徒掌天下土地之圖其要主於知九州地域廣輪之數與辨五地之物然不始於周官也神禹之於山於海率有經焉自漢而下則有風土人物之志先賢耆舊之傳摭拾一方蓋以範風俗存典型不止於侈山川之勝上物之饒已也世既欽其典則而復便其簡要於是乎郡縣之志日盛月新幾充棟矣若吾魯之泰岱其神則七十二君之所有事其形勝則參雲造天南觀越西望秦不假目謀其遺跡則秦松漢栢金床玉几薄海內外所外注以故子墨客卿之徒標奇采異有泰山志有岱史而復有蒐玉之集乃州志顧獨闕焉如是者於覽盛紀游得矣非所以載政跡備故實彰往訓來納民於軌物者也余每欲稽之載籍詢之老成以竟斯志束於職事未遑綜輯迺者州守任侯辱蒞茲土政成民和鳴琴多暇慨然嘆曰夫是藁爾一隅奠於嶽麓古所稱時邁肆觀之地且一方文獻是信是徵闕而不書誰執其咎爰始考述勒爲一志事竣謀叙於余余惟志成而有感於創始之難也是非紕繆則起而議其偏人品混淆則起而非其識記載乖訛則起而病其陋夫非人心之刻於創也始於一人而欲以厭衆心成於一時而令千百世之下考其世傳而衷其義例其事豈易易哉矧吾州以岱嶽故奔走四方冠蓋車書輻輳靡間志一出而域內人士爭願得寓目焉其雌黃月旦寧可勝道非與夫遐陬僻邑之書不盡傳於世者等也且又有進於是者今之時事浸非昔矣藉令長民者而無李固之恩信韓韶之賑恤何以稱循良爲茲志重生茲土者而清操不如羊續勵志不如胡毋輔之亦何以繩先達昭後嗣爲州乘光乎然則侯之創爲斯志也甯詎修故事資覽觀而已夫亦以示勸懲之義興紹述之思範俗維風將於是

在侯其大有造於此邦者哉抑漢人稱天下之安若泰山而四維之我

國家以泰安名州不爲無意維是赫赫巨靈實長羣嶽泰岱安則四嶽之神舉安五嶽奠安斯海內無弗安者顧名思義所爲協和神人以綏四國者且當自吾州始而斯志之作又豈區區一方文獻所繫爾也余故爲論次如此若夫雄奇峻絕之觀瓌璋鉅靈之彩海內業侈言之要足使山靈生色而未足爲民社增重魯邦所瞻或者更有在焉後之君子尙考鏡於是編可也

賜進士第光祿大夫柱國少保兼太子太保刑部尚書前總督宣大山西軍務兼理糧餉太子太保
兵部尚書兼都察院左副都御史蕭大亨謹識

刻泰安州志叙

志者古史之遺也周禮小史外史掌邦國四方之志至於列國亦各有史葢爾彈丸不乏圖籍秦
罷侯置守史無專職秉筆記載實在掌故亦惟守土者加意攬撫尊信而有徵故足術耳我郡名
山形勝甲於天下畫地置郡延袤數百里豈不當古之侯國而文獻無徵方冊不傳良足惜已往
郡侯蒞事茲土者不知閱幾何人其明知而無暇者什九明知而故諉者什一蓋簿書鞅掌手不
停披目不及瞬冠蓋輪蹄之塵望之如織倚俟爲東道主其民喜私耗而憚公賦歲常不及額什
之二三往往殫竭伎倆不足辦此曷暇分其神於採蒐也而自諉者輒曰岱有史業爲成書無庸
更置喙我且遷延宦成計時待擢視郡如遷廬耳奚暇精編纂之爲以故自古及今作者寥寥
昔跽伏衡茅登高懷古攷汶陽之墟覽明堂之址弔孫石之蹤訪六逸之蹟緬惟千古感慨係之

泰安州志

宋序

竊欲考核故實勒成一家獨恨千秋不朽同志者稀且以掣肘公車之業此亦無暇爾居無何今
賢侯上黨任公襄帷入郡百廢俱興輕徭賦清淫獻以培元氣也食不再簋衣必三澣循行不盛
騶從以風樸也義倉設而儲於不涸塾師置而戶成可封以富而教之也三年有成化行俗美迺
於公務之暇博訪古蹟旁訊宿儒疆域山川風土名物搜羅數百載之前而類析條分成若干卷
千秋事蹟蔚乎在目居然古史之遺矣今而後憑軾結駟而遊者入其境披圖籍鏡千古曰美哉
郁郁乎文獻之區也剖符結綬而至者入其境按故實覈典章曰猗歟著作之林前事不忘後事
之師也嗟夫時有古今名無磨滅百世而上百世而下升沉宦海不知幾更乃景燦不泯惟我侯
與此書俱永矣不佞分屬受塵忭際盛舉因載筆記其事且以詔來禩云

皆

萬歷癸卯菊月翰林院庶吉士治生宋燾頓首拜書

增補泰安州志序

今天下永清大定化行俗美史不勝書

聖天子行將簡班馬直東觀作大一統志以詔萬世何區區郡邑爲也雖然天下者郡邑之積也郡邑之風化無聞則朝廷之盛美不彰粵稽成周列國各有紀載秦罷侯置守今之郡邑志卽古之列國史也尼父刪詩而十五國風載雅頌之先魯之春秋亦因事屬詞厥后代有裨官皆以徵實傳信免棄世文獻不足之嘆是以自有泰安以來若岱史若輯瑞集若蒐玉集暨泰山紀事諸書層見疊出而州志尤爲史氏之要典按是刻成於故明萬歷三十年郡守任弘烈歷天啟崇禎及大清受命

世祖鼎造

皇上龍飛屈指七十餘歲嗚呼運會日新事物盡然矧茲岳方萬物資生物理之盛衰人文之興替寧無月異歲不同者故夫治方冊勒政績範習俗示典刑酌義例寓褒貶洵孔亟焉會逢刺史鄒公慈和德化簡練才猷其功名在竹帛不具道於委蛇退食之際殫心探討作此志垂爲名山大

泰安州志

王序

業按原本六門爲綱綱各有目取七十年來之逸事旁搜遐采參互考訂凡有可據者條分類析各附其綱目之后隨篇增輯卽舊而爲新開來以嗣往要在據事直書以紀述爲勸戒有庠生朱衣點者故清真教也獨能振拔流俗悅周孔之道沉酣經史亦樂從而參訂之從來全史以列史爲據逸史爲正史先資茲焉告成蓋欲藉省方觀風之

廷獻廣

口朝著作不至掛漏而億萬世仰全史之盛則公之立言直與德功並不朽云
皆

康熙庚戌黃鍾月望

賜進士第通奉大夫

欽命總督倉場戶部右侍郎加一級郡人王度識

泰安州志目錄

卷之一 輿地志

星野

沿革 附里社

山川 附泉源

疆域

城池

風俗

遺蹟

物產

災祥

卷之二 建置志

田賦志

秩官志

公署

壇壝

廟學

祠宇

舖舍

鋪店

戶口

田畝 附學田

賦役 附馬政

香稅

官僚

宦績

卷之三 人物志

泰安州志

目錄

鄉賢

科第

歲貢

恩貢

官監

例監

貤封

任廕

孝義

節烈

卷之四 藝文志 附州志後序

唐玄宗序銘

宋眞宗答謝天書述二聖功德序銘

李斯篆刻始皇二世頌德文

尙書薛瑄重修東嶽廟記略

昭磨李欽修東嶽廟記略

運同查志隆表章韓范歐陽諸名賢遺蹟議

提學鄒善撰儒學關路建坊記

金學士黨懷英魯兩先生祠記

李汝柱重修城隍廟記

知州任弘烈撰泰安州儒學尊經閣記

知州任弘烈撰泰安州勸建義倉記

初建社學記

侍郎鄧庠記泰安守高公去思碑

教諭李汝桂記泰安守袁公去思碑

豸史趙弘文撰侯公崇祀名宦序

少司農王度撰侯公從祀名宦錄序

少司農郡人王度撰僞官據城記

泰安州志

目錄

少司農郡人王度撰歷年守城記

知州戴經岱郡八景詩

知州林杭學岱郡八景詩次戴刺史原韻

署州事同知張肇昌步戴刺史八景韻

知州石鍵撰岱頂重修孔廟碑記

日講官林之濬題捨身崖墻記

署州事同知張奇逢築墻禁止捨身記

泰安州志目錄終

泰安州志卷之一

明知泰安州事上黨任弘烈編輯

一州志謹依

大清一統志式遵 制也餘并參考羣書或泰山志岱史略加損益

一州治沿革不常諸秩官人物止據足徵者錄之

一公署舊跡雖廢必書

一祠宇凡 勅創及在州志者錄之餘皆略泰山香火繁盛已見山志岱史者不錄

一戶口止就近年冊籍錄之 國初及歷年無考姑闕以俟再叙

一物產止載有益民用者纖細之物不敢濫書

一秩官有功德表著者簡入名宦見任者未載

一人物卓異者載之鄉賢不論顯晦必行重鄉評者書之其節孝未及

泰安州志

凡例

旌表與詳允者亦然

一詩文載在岱史頗詳茲不備錄姑探其有關州志者略載一二

一釐爲六門爲綱每綱首有小叙以表作志之由綱內有目各條下間附臆說凡以資政理垂觀

省而已

同知維楊崔瑞川

州判官橋李許茂祺校閱

吏自密雲胡允孝

訓導朝城段廷選

單邑孫于藩

蓬萊徐 湖編次

嶧博郡人張經濟

恩貢生呂應用

庠生陳大有

李偉

張毓秀

安烜同編

緒編執事署學正姜玉英參閱

同知張肇昌彙輯

吏目陳五典校梓

庠生朱衣點同校



明知泰安州事上黨任弘烈編輯

輿地志

叙曰先王體國經野莫大乎輿地周禮職方氏掌之泰安在岱下蓋以嶽重云帝王狩禪聖賢過
化古稱望地中雖沿革靡常而民風物產班班足考是可無紀乎先是野謂其上應天象也天
之降災祥也必見於地故併繫焉作輿地志

星野

魏太史令陳卓曰泰山入角六度晉天文志曰泰山入十二度唐天文志曰降婁玄枵其神主於岱
宗歲星位焉宋天文志曰泰山入角十二度馬端臨象緯考州郡疆次并同

按自保章氏失職久遠郡國廢置代遷譚星野者或以泰山主心房氏或主婁胃或主虛危然考
信於往古古天文角亢之分野主兗泰山固隸兗也主角何疑

泰安州志

卷之一

沿革

州在周春秋時爲魯地後屬齊爲博邑秦爲奉高博二縣屬齊郡漢爲奉高博二縣屬泰山郡東漢
晉因之南北朝劉宋因之元魏改博爲博平與奉高仍屬泰山郡隋開皇六年改奉高曰岱山十
六年改博平曰汶陽尋改曰博城大業仍以岱山屬魯郡唐武德五年於縣置東泰州貞觀元年
州廢省梁父羸肥城岱西四縣入博城乾封元年更名乾封總章元年又曰博城神龍元年復曰
乾封屬兗州魯郡宋開寶五年移乾封於岱岳鎮卽今治城南大中祥符元年改曰奉符屬襲慶
金初爲泰安軍大定二十三年陞爲州領奉符萊蕪新泰三縣元屬東平路正元五年析隸省部
領縣四視金增長清

皇明洪武元年省奉符入州割長清與州并隸濟南府

編里九十有七東隅保西隅保北隅保南隅保西南保羊
樓保封疆保已上附郭禹村保萬壽保沈村保城保中

村保良甫保房村保柳里保薛莊保已上在州東南先賢鄉汶河保東蘇保南送保鹽店保西濰保西牛保武莊保侯
村保已上在州西南汶河鄉梁莊保白塔保石來保南望保羊舍保西望保古城保山羊保力里保已上在州東南紫源大吳
保舊縣保山口保北仇保東于保南留保西諸保北望保顏張保已下在州南云亭鄉清泉保延東保下村保趙莊保謝村保
南村保新興保牛山保栗林保已上在州東石泉鄉淳于保官莊保埠上保言訓保香城保張侯保東向保西于保上望保已

按有人有土振古如茲第分隸時殊名稱亦異或成郡軍或附列邑盛衰沿革豈一朝夕故哉君子不易民而化是在善治加意焉

山川 泉源附

泰山 有專志及岱史詳載諸形勝茲不復錄

鳳凰山 在岳頂西南
白雲洞之上
象山 在鳳凰
山之下
石閭山 在州南漫武
帝禪于此
介石山 在州南五十里
宋真宗禪于此
亭亭山 在州南五十里
黃帝禪於此
梁父山

在州南一百里 **云云山** 在梁父山之東古稱 **傲來山** 在岳頂西南竹林寺具石巘
秦始皇禪于此 七十二君多禪于此 阮瞻至御悵俯視之更奇 **青山** 在岳東南麓
漢明堂東北 **黃山** 在岳頂西四十里以土色

名與青山皆
岳之翼上也
東神霄山
在岳頂
東十里
西神霄山
在岳頂
西十里
石後山
在岳頂西十里
前多巨石故名
孤山
在岳頂北十
里嶺巔特起
玉女山
在岳頂東北
十里許有玉

女修眞石
石馬山
鵬窩山
襪山
鶴山
亭禪山

又名蒿里聯着社
三尖山
首二山約有二里
在岳頂
四十里

徂徠山 在岳南三十里。岳之案山也。上有紫源池。下有玲瓏山。錫秀峯。天平東西二寨。其下曰白河灣。曰竹溪。唐李白孔巢父韓準裴政陶沔張叔明隱此。號曰竹溪六逸。宋石介因故址。桑室著書。學者稱徂徠先生。

在岳頂東百里屬
臘燭山
在玉女山北其
石直立如燭
蕪蕪一名黃山

汝河 出萊蕪縣原山西南經徂徠山會泮水南流三十里曰大汶口又西南經汶上縣北達於漕

濤河 源出岳頂西南諸峪匯爲西溪山白龍池大峪口南流入泮河會汶水以達於漕

梳洗河 源出黃峴館諸谷之水匯爲中

溪過王母池池上有王母梳粧樓
故名其水由州東會泮水入汶河
源出岳頂西桃花峪諸水
轉州治東南二十里入汶

周家灣泉 在州東南二十五里 鐵佛堂泉 在州東二十里 皂泥溝泉 在州東北五十里 鯉魚溝泉 在州東五十里 范家灣泉 在州東五十里 雲潭泉

在州東四十五里 **鳳凰泉** 在州東北四十里 **北滾泉** 在州東五十里 **順河泉** 在州東六十里 **板橋灣泉** 在州東六十里 **羊舍泉** 在州東南一百一十里 **會泉** 在順河泉西北

井泉 在會泉西北 斜溝泉 在州東一百二十里 力溝泉 在州東南一百二十里 東西二柳泉 在州東南一百一十里 水波泉 在州東南一百二十里 韓家莊泉

石縫泉 在州東南一百二十里
濁河泉 在州東南一百三十里
謝過泉 在州東北十五里
張家泉 在州南八里
木頭溝泉 在州南十五里
龍灣

泉在州南二十里 馬兒溝泉在州南三十里 梁子溝泉在州東南二十五里 風雨泉在州東南二十里 吳山溝泉在州南四十里 滄浪溝泉在州南五十里 梁

家莊泉 在州南三十里 上泉 在州南五十里 靈應泉 在州南五十里 臭泉 在州南五十里 水磨泉 在州南六十里 顏謝泉 在州南六十里 龍堂 在州南七十里 狗

跑泉 在州西南六十里 報恩泉 在州西南六十里 陷灣泉 在州西南六十里 噴金泉 在州西南六十里 馬黃溝泉 在州西南九十里 龍土泉 在州西南百二十里

坤溫泉在州西南一百二十里 興龍泉在州南十二里 廣生泉在州西北四里 以上四十五泉以後新出二十泉 馬蹄泉

在城南六十里 白土堽泉在城南六十里 明堂泉在城東十五里 金星泉在城東廟西 大興橋泉在城東六十里 涼泉在西南一百二十里 因出神泉在城南一百里

海旺泉在城南一百里 黑虎泉在城南一百里 新興泉在城南一百里 水泉在城南九十里 清泉在城東三十里 坡里泉在城東六十里 胡家港泉在城南六十里 溯

港溝泉在城南四十五里 香城泉在城南六十里 皮狐泉在城南八十里 新查出泉在城南十五里 良甫泉在城南八十里 真溝泉在城南一百里

按重華嘗牧肇州封山濬川蓋曰地有山大川則國爲之重乃若名山莫重於岳莫尊於岳故自

有天地以來形勝無如泰山也者而州之川汶水蓋其大焉若徂徠若雲亭若泮淙梳洗諸山水

咸羅列淙洄而泉流直達漕運挑濬孔亟果以山川丘陵爲地險也乎茲以足擅欄云豈徒以壯

觀瞻恣遊覽爾已泰之山水以勝名者最多牧伯嘉興戴經標其尤著者八曰秦嶽朝雲曰徂徠夕照曰汶河古渡曰明堂故址曰龜陰秋稼曰龍洞甘霖曰秦松挺秀曰漢柏凌寒有詩見藝文志

疆域

州境北越泰山之陰六十里曰仙臺嶺爲歷城縣界南六十里抵汶河爲寧陽泗水二縣界東越萊

蕪百四十餘里爲蒙陰縣界由萊蕪東北七十里抵杓山爲淄川縣界西北七十里抵魚池爲肥

城縣東南越新泰一百餘里爲泗水費蒙陰三縣界西南百三十里抵張城爲東平州界西北四十

里抵界首爲長清縣界西南九十里抵罡城壩爲甯陽縣界古之博平高平鉅平南城梁父蛇牟

汶陽羸柴今皆爲治內地

按周畫郊圻慎固封守秦漢而降割裂土境州邑建廢凡幾遂致疆域不辨一且有警莫可誰何

泰安雄據東夏屏障

皇畿而漕源國計亦維茲攸賴可不慎與

城池

州舊爲土城築于金大定二年久多崩圯如丘可徑池堙可塗嘉靖癸未臺省鑒正德辛未之患議

設守國乃檄濟南通判王雲興版鍾爲石城七里六十步堞高而池深椎據岳麓襟帶泮淙門四

南曰乾封北曰登封東曰靜封西曰望封郡人馬經有記刻石登封門裏 近連年霖雨城多崩壞嘉靖三十二年沂

州兵備任希祖檄知州鄭聚東重修頗爲完固崇禎十二年郡守道蔡懋德糾衆增修四隅各出

稜角周圍三丈許創建四樓去地五丈許壁內治石洞順城可施火器登高可備瞭望後雖爲寇亂地震傾圮而遺址俱在郡城以岱麓爲基垣外北一面暨東門迤北面一望無際盡屬曠野寇至可直抵城下

皇清順治十一年知州傅振邦鑒甲申庚寅兩寇之陷城皆由此地是用多方招徠創作房舍繼任知州張錫懌益殫力營繕迄今遂成閭巷市肆鱗集藩籬賴之

按重門之設以待暴客不必陰雨也絲蘿無棄管蒯制治於未亂良不誣也易云慢藏誨盜盡局鎗不嚴卽有跳梁者越關津而不知問矣繕修以時典守以慎賢大夫事也

風俗

馬端臨輿地圖曰人情樸厚俗有儒學張從仁文廟記曰風俗淳朴而尙儉素明李錦撰州志曰土尙詩書民執常業萬歷三十年郡守任弘烈纂志則曰風移俗易浸淫於貿易之場競爭於錐刀之末民且不自知其習於浮而風斯下也以余耳目所聞睹學士大夫循循篤行古風者什之二

三而庶民之家莫不驚紛華美冠履以相矜詡且也勁悍負氣甚者以屑越細故釀成大禍而不知悔云

按虞書曰四方風動謂如風之所鼓靡物不從神之也而俗則以習成焉泰郡介齊魯之間所賴先王禮義之化洙泗之教猶在人心不意世遠化湮邇任公修志時距今七十年矣而俗不加美姬公帥尙父之遺化謂何此在司教化者神其機權挽今日之民而三代之也與

遺跡

周明堂在嶽之東北山谷聯屬四十里遺址今尙存旁有谷山寺其勝具黨學士寺記

漢明堂在嶽址東南去州治十里武帝元封間用齊人公玉帶所獻圖創焉其上有元人題刻明堂故基四字其地舒衍突起一石岡巔平而高四丈許週三晦許後枕嶽麓支山如展障而左右如衛從然澗水滌迴南會於汶遙望徂徠諸山如列屏案當時朝會規模宛然在目

長城鉅防在泰山西緣河千餘里至瑯琊臺入海蘇代說燕曰齊有長城鉅防足以爲臺齊記云齊